

III. Utilitatem, quæ ex incarnatione Domini & Salvatoris nostri JESU CHRISTI proficiscitur in nos, quantum potero, breviter perstringam.

Sit, queso dulcissime puer JESU, lingua mea calamus scribæ velociter scribentis. Ψ 45. Meditatur enim cor meum verbum bonum, dicam opera mei Regis.

DE I. LOCO.

Factum est autem in diebus illis.

Facit Evangelista Lucas in describenda Nativitatis Christi historiâ mentionem multarum circumstantiarum, ut ex illis probet, Christum verum Messiam ac mundi Salvatorem esse. Vult autem ita argumentari:

In cujus nativitate omnes circumstantiæ, de Nativitate Messiaæ prædictæ, impletæ sunt, *Ille est Messias.*

In Christi nativitate omnes circumstantiæ impletæ sunt. *Ergo Christus est Messias.*

Maximam partem hodierni Evangelij Evangelista consumit in probatione Minoris, atq; primo meminit temporis.

I. In diebus illis, &c. postquam puer Joannes cresceret, & confortaretur spiritu: Luca 1
Exijt